

ЎРТА ОСИЁ ТОПОНОМЛАРДА КЕНГ ҚАМРОВЛИ
ТАДҚИҚОТЛАРНИ ЎЗИДА ЖАЛБ ЭТГАН БАҚТРИЯГА ОИД
ТОПОНИМ ВА УНИНГ ТАРИХИЙ ТАҲЛИЛИ.

Термиз давлат унверситети
жаҳон тарихи кафедраси ўқитувчиси
Жумаев Мустафо Эркин ўғли
(+99 890 746 86 66)

Аннотация: Қадимги манбаларда айрим жой номларнинг маъносини изоҳлашга ҳаракат қилиб кўрилган. Нега шундай ном берилган, у қандай тушунчани беради, қайси тилдан олинган ва ҳоказо. Шу тариқа, жой номларини ўрганадиган алоҳида фан вужудга келган. У юононча топонимика деб аталади. Топонимика фанининг мақсади инсоннинг табиат ва жасият билан боғлиқ географик атама ва номларини ўрганиши, уларнинг ўзига хос белгиларини аниқлаши, атама ва номларнинг вужудга келиши, моҳиятини таҳлил қилишидан иборат.

Калим сўзлар: топономика, Бақтрия, Авесто, зардушийлик, Бақтра, Ктесий, Квин Курций Руф.

Жаҳон тарихшунослига кўплаб тадқиқотларни ва олимларни ўзига жалб этган Бақтрия номи ва унинг топонимик жиҳатидан ўрганишга тааллуқли кўплаб асарлар яртилди. Энг муҳими, Бақтрия – Ўрта Осиё жанубидаги қадимги вилоят номи. Илмий тадқиқотчи Икром Умаров Ўзбекистон ва Тожикистоннинг жануби, Афғонистоннинг шимолий вилоятларини ўз ичига олган Бақтрия давлат ҳақидаги тарихий манбаларни қўшимча ўрганиш ўз фикр мулоҳазаларни тақдим этди. Энг қадимги ёзма манба – Авестода Ахурамазда томонидан яратилган 16 та мамлакатдан тўртинчи бўлиб, туғлари баланд кўтарилилган гўзал мамлакат *Бахди* (авесточа *Bāxdi* srīrām ərədβō. drafšām) яратилганлиги айтилади. Беҳистон битикларида бу ўлка *Бактрии*, юон-рим манбаларида *Бактриана* *Вактрианъ* номи билан тилга олинади.

Юон тарихчиси Ктесийнинг хабарига кўра, Бақтрия шаҳарлари орасида энг йириги *Бақтра* (Балх) бўлган¹. Александр Борнснинг ёзишича, Балх шаҳри қадимги Эрон шоҳлари сулоласининг афсонавий асосчиси Каюмарс томонидан бино қилинган².

Квирт Курций Руфнинг айтишича, Бақтриянинг пойтахти *Бактра* бўлиб, Парапамис тоғлари этагида жойлашган. Унинг деворлари тагидан Бақтра дарёси

¹ Древние авторы о Средней Азии (VI в. до н. э. — III в. н. э.). Ташкент, 1940, стр. 26-30.

² Путешествие в Бухару Александра Борнса. Часть 3. Москва, 1849, стр. 341.

оқиб ўтади. Мазкур дарё шаҳар ва вилоятга ном берган³. Арриан эса Бактрадан ташқари Зариаспа деган шаҳар номини ҳам тилга олади. У Александр Македонскийнинг қароргоҳи бўлган⁴. Юнон географи Страбон бу масалага янада аниқлик киритади. Унинг ёзишича, шаҳар яна Зариаспа номи билан ҳам аталиб, унинг ёнидан *Бактра* дарёси оқиб ўтади⁵. Милоддан аввалги 128 йилда Бақтрияда бўлган хитой сайёхи Чжан Цянъ бу ўлкани *Дася*, пойтахтини эса *Ланьши* деб атайди⁶.

Милодий IV асрдан бошлаб *Бақтрия* номи тарихий манбаларда деярли учрамайдиган бўлди. Унинг ўрнида Тохаристон номи қўлланила бошланди. Шундай бўлса-да, бу юрт маҳаллий аҳоли томонидан *Бахтарзамин* (Бохторзамин, яъни «Бахтар ери, юрти») деб аталган. Мазкур ном «Темур тузуклари»да ҳам қайд этилади⁷.

Илк ўрта асрлардан бошлаб манбаларда Бақтрия пойтахти сифатида *Балх* ёки *Бахл* шаҳри тилга олинади. Арман тарихчиси Фавстос Бузанд, кушон-форс урушлари бошланган вақтда аршакийлар сулоласидан бўлган кушон шоҳи Балх шаҳрида ўтирганлигини қайд этади (V, глава 7). Милодий I минг йиллик ўрталарида яшаган ҳинд муаллифи Панини Балх шаҳрини *Бахлика* шаклида тилга олади. Яна бу шаҳар *Бахл Аравотин*, ёки паҳлавийча *Бахли Бамик – шарқий Бахл* номлари билан ҳам аталган. Византия тарихчиси Себеос бу шаҳарни *Бахл*, мамлакатни эса *Шакастон* деб қайд қиласди⁸.

Табарийнинг таъкидлашича, ўтмишда шаҳарнинг *Бами* деган номи ҳам бўлган. Эндиликда бу ном билан Мозори Шарифнинг ғарбидаги унча катта бўлмаган шаҳарча аталмоқда. Ш.Камолиддиннинг фикрича, Балх шаҳри эфталийлар ёки хионийлар даврида *Бами* номи билан аталган бўлиши мумкин. Мўғуллар истилосига қадар Балх Ўрта Осиёнинг энг йирик шаҳарларидан бири бўлган. Чингизхон истилосидан кейин инқирозга учрайди. Шундай бўлса-да, шаҳар яна ўзини тиклаб олади.

XIV-XIX асрларда Балх шаҳри йирик иқтисодий, сиёсий, маданий ва маъмурий марказ бўлган. XIX асрда ўзаро урушларнинг авж олиши ва афон истилоси оқибатида шаҳар инқирозга учрайди. Унинг яқинида янги шаҳар – *Вазиробод* барпо этилади⁹. Эндиликда Балх номи билан унча катта бўлмаган қишлоқ аталмоқда. Балхдан 20 км жануби-шарқда Мозори-Шариф шаҳри қад кўтарди.

³ Руф К.К. История Александра Македонского. Москва, 1993, книга 7, 4, 31.

⁴ Арриан. Поход Александра. Москва, 1993, книга 3, 29, 1; книга 4, 16, 5-6.

⁵ Страбон. География в 17 книгах. Москва, 1964, книга 11, 11, 2.

⁶ Бичурин И. Собрание сведений, том II, стр. 152.

⁷ Темур тузуклари. Тошкент, 1991, 24-бет.

⁸ История императора Иракла. Отдел 1, XIII.

⁹ Ҳасанов Х. Ўрта Осиё жой номлари тарихидан. Тошкент, 1965, 60-бет.

Манбаларда *Балх* ва *Бақтрия* номлари этимологияси ҳақида аниқ бир фикр келтирилмаган. Сабаби, уларни эроний тиллар асосида шарҳлашнинг иложи бўлмаган. Бизнингча, ушбу номларни қадимги туркий тиллар негизида изоҳлаш мақсадга мувофиқдир. Негаки, *Бақтрия*-Тоҳаристон энг қадимги туркий халқлар қўним топган макон бўлиб, туркий тиллар негизида талқин этилса, тўғрироқ бўлар эди.

Даставвал, Авестода тилга олинган *бахди* сўзини кўриб чиқсак. Қадимги туркий тилларда *bögü* – «донишманд», «доно»: *bögü elig kicilug jaruq tajri siz* – «Тангри, сен доно, ҳукмдор, кучли, ёруғсан»¹⁰; ёқут тилида *boýda* – «муқаддас, илоҳий, ҳурматга сазовор»¹¹; мўғул тилида *богд* – «муқаддас», «илоҳий»¹²; бурятча *богдо* – «муқаддас», «олий»: *монголой bogdo лама* – «мўғул бодго ламаси»¹³ каби тушунчаларни англатади. Унинг қадимги маънолари: «илоҳийлик, донолик, муқаддаслик, юксаклик». Авестода ҳам *Бақтрия* юрти деярли муқаддаслаштирилиб «туғлари баланд кўтарилиган гўзал, баҳтли мамлакат» тарзида ёзилади. Демак, *бахди* номи Авестога энг қадимги маъноси билан бирга кирган ва у «баҳтли», «гўзал», «муқаддас» каби тушунчаларни англатган.

Бактра топонимига тўхталсак. Топоним эроний тилларда *Бахтар* номи билан аталади. *Бахтар* сўзини қадимги туркийча *buktir* сўзи билан боғлаш мумкин. *buktir* - «баландлик», «тоғнинг қояли қисми»: *aya büktür üzä jordim* – мен баландликка кўтарилидим¹⁴. Унинг асосида қадимги туркийча *bük* – «эгилмок, букилмок» сўзи ётади. Бундан ташқари, қадимги туркийча *bök* – «тўсик», «девор» тушунчасини беради¹⁵. Бундан ташқари, қадимги туркий тилда *baqy* – «тепа, баландлик» дегани¹⁶. Дарҳақиқат, қадимги *Бактра* шаҳри Балхоб дарёсининг дарадан чиқиши қисмиди, баландлик устида вужудга келган бўлиб, атрофи паст-баланд, эгри-буғри, қояли ерлардан иборат эди. Шу сабаб бу ер *buktir* (буктир), яъни «баландлик», «қояли тепалик», «баландликда жойлашган шаҳар» деб ном олган. Вақти келиб, бу сўз эроний тилларга ўтиб, *Бахтар*-замин деб аталадиган бўлди. *Бахтар* номи юонон-рим муаллифлари томонидан *Бактрия* ёки *Бактриана* номлари билан қайд этиладиган бўлди.

Бақтранинг юонон-рим тарихчилари томонидан тилга олинган иккинчи номи *Зариаспадир*. Арриан *Бактра* билан *Зариаспани* алоҳида шаҳар сифатида қайд этади. Таъкидлаш жоизки, *Бактра* шаҳри қадимда зардуштийликнинг маркази ва

¹⁰ Древнетюркский словарь. Ленинград, 1969, стр. 116.

¹¹ Бетлингк О.Н. О языке якутов. Новосибирск, 1989, стр. 594.

¹² Дамдинсурен Ц., Лувсандэндэв А. Орос-монгол толь. Улан-Батор, 1982, стр. 636.

¹³ Бурятско-русский словарь. Москва, 1973, стр. 96.

¹⁴ Древнетюркский словарь, стр. 132.

¹⁵ Древнетюркский словарь, стр. 117.

¹⁶ Кошфарий Маҳмуд. III жилд, 246-бет.

Зардуштнинг ватани ҳисобланган. Аҳмонийлар даврида шаҳар атрофи ёки унинг бир қисмида зардустийликдаги муқаддас олов ибодатхонаси – *Азари Асп* жойлашган бўлиши мумкин. Ибодатхона асосида юончча зариаспа сўзи келиб чиққанлиги ҳақиқатга яқинроқдир.

Бактранинг ilk урта асрлардаги тилга олинган номи Балхdir. Бу сўз қадимги туркийча *baliq*, *baluq* – «шаҳар» сўзи билан алоқадордир. Қадимги туркий битикларда *ertmiş ödün bir uluy baliq bar erti* – «олдинги замонларда бир катта шаҳар бор эди», дейилади¹⁷.

Маҳмуд Кошғарийнинг изоҳлашиба, «*Балиқ* – жоҳилия давридаги турклар ва уйғурлар тилида шаҳар. Уйғурларнинг энг катта шаҳарларига *Бёш балиқ* дейилиши шундандир. *Бёш балиқ* – «беш шаҳар» демакдир»¹⁸.

Э.Севортяннинг маълумотига кўра, қадимги туркча *балық* / *baliq*, сариқ уйғурлар тилида *палук/paluq*, *палық/paliq*, шарқий туркий тилларда *balyk*, *balyh*, бошқа туркий тилларда: *балығ/baliy*, *balik*, *baluq*: 1. «Девор» (сариқ уйғурлар тилида хом фиштдан қилинган девор), «девор билан ўралган» (шу сўздан шаҳар ва жой номларининг ўзак қисми бошланган), «девор билан ўралган шаҳар»; 2. «қўрғон»; 3. «ихота» маъноларини беради¹⁹.

Балиқ сўзи қадимги туркий тилларга хос бўлиб, бугунги кунда факат сариқ уйғурлар тилидагина сақланган. Мўғул тилларида эса бу сўз анча кенг тарқалган. Масалан, ҳозирги мўғул тилидаги *балгас* – «шаҳар»²⁰, бурятча *балгаан* – чайла, *балгаана(n)* – «оғилхона, қўра»²¹, қалмоқ тилида *balyad*, *balyasu(n)* – «қишлоқ» ёки «шаҳар», «хароба», «тош уй», «шаҳар қурилиши»²² деган маъноларни англатади. Энг қадимги туркий тилларга хос хусусиятларни ўзида сақлаб қолган ёқут тилидаги *балаған* сўзи «ўтов, кулба, капа, қишки ва ёзги ўтов, тураг жой» каби тушунчаларини беради²³. Бу сўз ёқут ва мўғул тилларидан тунгус-манжур тилларига ҳам ўзлашган. Эвенк тилида *балағамийа* – «эски бино», эвенк тилининг баргузин шевасида *балғануң* – «ёзлик турагжой», манжур тилида *фалға* – «қишлоқ» демакдир²⁴.

Н.Н.Поппе турк-мўғул тилларидағи «шаҳар» сўзининг қуидаги боғлиқлигини кўрсатади: ўрта мўғул тилидаги *balaqasun* - «шаҳар», мўғулча *balgasun*<*balaka-sun* айнан шу маънода = қадимги туркийча *baliq* < *balq*< *balaqa* - «шаҳар». В.Котвич туркий тиллардаги *baliy* ва мўғулча *balyasun* сўзларининг

¹⁷ Древнетюркский словарь, стр. 80-81.

¹⁸ Махмуд Кошғарий. 1 жилд, Тошкент, 1960, 360-бет.

¹⁹ Севортян Э.В. Этимологический словарь тюркских языков. Москва, 1978, стр. 59.

²⁰ Монгольско-русский словарь. Москва, 1957, стр. 60.

²¹ Бурятско-русский словарь, стр. 83.

²² Севортян Э.В., 1978, стр. 59.

²³ Бетлингк О.Н., 1989,стр. 589.

²⁴ Константинова В.Д. Тунгусо-маньчурская лексика, связанных с жилищем // Очерки сравнительной лексикологии алтайских языков. Ленинград, 1972, стр. 255.

ўзагида *baly* - «шаҳар» сўзи ётганлигини кўрсатади²⁵. Т. Нафасов Балх шаҳри номи қадимги туркийча *балиқ* сўзидан олинган, деб хисоблайди²⁶.

Тадқиқотчилар томонидан *балиқ* сўзининг *бал* – «лой» сўзи билан алоқадорлиги ҳақида фикр билдирилади. М. Кошғарийнинг ёзишича, «*Баліқ* – лой. Арғу ва баъзи ўғузлар сўзи»²⁷. Қадимги туркий тилда *balıqlan* – «лойқаланмоқ, ифлосланмоқ, балчиқланмоқ» дегани²⁸. *Балчиқ* сўзи ўзагида ҳам *бал* ётганлигини кўриш мумкин. Г. Дёрфер «шаҳар» маъноси шаклланишининг қўйидаги схемасини кўрсатади: «лой»>«лой девор»>«лой девор билан ўралган жой» = «шаҳар». «Шаҳар» ва «лой» маъноларининг алоқасини турк олими О. Н. Туна ҳам тан олади.

Балиқ сўзининг ўзагида *бал* – «лой» сўзи ётади. Г. Дёрфер таъкидлаганидек, қадимги шаҳарлар лойдан, пахсадан кўтарилиганини сабабли, қадимги туркийлар уни *бал* сўзи билан атаганлар. Кейинроқ унга *-ик*, *-ук* қўшимчалари қўшилиб, *балиқ* шаклида талаффуз этиладиган бўлди. *Балх* – «шаҳар», аниқроғи «лойдан қурилган шаҳар» деган маънони англатади.

Фойдаланилган адабиётлар рўйхати:

1. Турсунов С., Қобилов Э., Пардаев Т., Муртазоев Б. Сурхондарё тарихи. Тошкент, 2004
2. Гумилев Л.Н. Эфталиты и их соседи в IV веке. «Вестник древней истории». Москва, 1959
3. Дальварзинтепе. Кушанский город на юге Узбекистана. Ташкент
4. Дониёров Х. Ўзбек халқининг шажара ва шевалари. Тошкент, 1968
5. Логофет Д.Н. В горах и на равнинах Бухары. СПб,
6. Наршахий. Бухоро тарихи // «Мерос» туркуми, Тошкент, 1990

²⁵ Севорян Э.В., 1978, стр. 59.

²⁶ Нафасов Т. Қишлоғингиз нега шундай аталган? Тошкент, 1989, 11 бет.

²⁷ Махмуд Кошғарий. 1 жилд, 360-бет.

²⁸ Древнетюркский словарь, стр. 81.